

三才廣志

廣志卷之二百九十

梅花

要語

格物總論 之來始見於炎帝之經至於詩書靡
不稱述自是以來漢見於上林苑魏見於曹林晉
見於江南南北朝宋見於含章宮梁見於揚州法
曹曹解舍隨見於羅浮松林間花之名著見於墨
客騷人之手者不一下逮李唐而至于宋其賦詠
何多也然其品類亦甚蕃雖其間譜之者亦不過
隨所得而為之是豈一人耳目所可得而偏及耶
君子謂水陸草木之花可愛者甚衆而梅也獨先
天下而春是故首及之西京雜記上林苑有紫蒂
梅胭脂梅

坡詩注大慶嶺上梅花南枝已落北枝方開寒暖之候異也

范石湖梅譜序

梅天下尤物無問智賢愚不肖莫敢有異議學圃之士必先種梅且不厭多他有無多少皆不繫重輕余於石湖玉雪坡既有梅數百本比年又於舍南買王氏僦舍七十楹盡拆除之治為范材以其地三分之一與梅吳不栽梅特盛其品不一今始盡得之隨所得為之譜以遺好事者

江梅遺核野生不經栽接者又名直脚梅或謂之野凡山間水濱荒寒清絕之趣皆此本也

花稍 而疎瘦有韻香最清實小而硬

早梅花勝直脚梅吳中春晚二月始爛熳獨此品

於冬至前已開故得早名錢唐湖上亦有一種先
開早余嘗重陽日就折之有橫枝對菊開之句行
都賣花者爭先為奇冬初折未開枝寘浴室中薰
蒸令折強名早梅終瑣碎無香余頃守桂林立春
梅已過元夕則嗜青子皆非風主之正杜子美詩
云梅蕊臘前破梅花年後多惟冬春之交正是時
耳

官城梅吳下園人以直脚梅擇他本花肥實美者
接之花遂敷腴實亦佳可入煎造唐人所稱官梅
止謂在官府園圃中非此官城也

消梅花與江梅官城相似其圓小松脆多液無澤
多液則不耐日乾故不入煎造亦不宜熟惟堪青
散北梨亦有一種輕鬆者多消梨與此同意

古梅會稽最多四明吳興亦間有之其枝樛曲萬
狀蒼蘚鱗皴滿花身又有苔鬚垂於枝間或長數
寸風至綠絲飄飄可玩初謂古木久歷風日致然
詳考會稽所產雖小枝亦有苔痕蓋別是一種非
必古木余嘗泛會移植十本一年後花雖盛發苔
皆剝落殆盡其自湖之武康所得者即不變移風
土不相宜會稽隔一江姑蘇接壤故土宜或異同
也凡古梅多苔者封固花葉之眼惟罅隙間始能
發花花雖稀而氣所鍾豐腴妙絕若剝落者則花
發仍多與常梅同去城都二十里有卧梅偃蹇十
餘丈相傳唐物也謂之梅龍好事者載酒遊之清
江酒家有太梅如數間屋傍枝四垂周遭可羅坐
數十人任子嚴運使買得作凌風閣臨之因遂進

集大圖謂之盤園余生平所見梅之奇古者惟此
兩處為冠隨筆記之附古梅後

重葉梅花頭甚豐葉重數層盛開如小白蓮梅中
之奇品花房獨出而結實多雙朮為瑰異極梅之
變化工無餘巧矣近年方見之蜀海棠有重葉者
名蓮花海棠為天下第一可與此梅作對

綠萼梅凡梅花附蒂皆絳紫色惟此純綠枝梗亦
青特為清高好事者比之九疑仙人萼綠華京師
艮嶽有萼綠華堂其下專植此本人間亦不多有
為時所貴重吳不又有一種萼亦微綠四邊猶淺
絳亦自難得

百葉緗梅亦名黃香梅亦名千葉香梅花葉至二
十餘瓣心色微黃花頭差小而繁密別有一種芳

香比常梅尤穠美不結實

紅梅粉紅色標格猶是梅而繁密則如店香亦類
杏詩人有北人全未識渾作杏花看之句與江梅
同開紅白相映園林初春絕景也梅聖俞詩云認
挑無綠葉辨杏有青枝當時以為著題東坡詩云
詩老不知梅格在更看綠葉與青枝蓋謂其不韻
為紅梅解嘲云承平時此花獨盛於姑蘇晏元獻
公始移植西崗園中一日貴游賂園吏得一枝分
接由是都下有二本嘗與客飲花下賦詩云若更
開遲三二月北人應作杏花看客曰公詩固佳待
北俗何淺耶晏笑曰俗父安得不然王琪君玉時
守吳都聞盜花種事以詩遺公曰館娃宮北發精
神粉瘦瓊寒露藥新園吏無端偷折去鳳城從此

有雙身當時罕得如此比年展轉移接殆不可勝
數矣世傳吳下紅梅詩甚多惟方子通一遍絕唱
有紫府與丹來換骨春風吹酒上凝脂之句

鴛鴦梅多葉紅梅也花輕盈重葉數層凡雙果必
並蒂惟此一蒂而結雙梅亦尤物

杏梅花比紅梅色微淡結實甚匾有爛斑色金似
杏味不及紅梅

蠟梅本非梅類以其與梅同時香又相近色酷似
蜜脾故名蠟梅凡三種以子種出不輕接花小香
淡其品最下俗謂之狗蠟梅經接花踈雖盛開花
常半含名磬口梅言似僧磬之口也最先開色深
黃如紫檀花密香穠名檀香梅此品最佳蠟梅香
極清芳殆過梅香初不以形狀貴也故難題詠山

谷簡齋但作五言小詩而已此花多宿葉結實如
垂鈴尖長寸餘又如大桃奴子在其中

後序

梅以韻勝以格高故以橫針踈瘦與老枝怪奇者
為貴其新接釋木一歲抽嫩枝直上或三四尺如
茶蘼薔薇輩者只下謂之氣條此直宜取實觀利
無所謂韻與格矣又有一種糞壤力勝者於條上
茁短橫枝狀如棘針花密綴之亦非高品近世始
畫墨梅江西有楊補之者尤有名其徒倣之者實
繁觀楊氏畫大畧皆氣條耳雖筆法奇峭去梅實
遠惟廉宣仲所作差有風致世鮮有評之者余附
之譜後

梅花類

黃千葉脂梅

早梅冬至前後開花

黃香梅

百葉湘梅

紅香梅

千葉白梅花

紫梅

綠萼梅綠蒂花碧色

雪香梅

同心梅並蒂間花

紅梅粉紅色

重葉梅花頭甚穠

紫蒂梅紫蒂白花

江梅遺核野出

古今事實

飲梅花下

隋開皇中趙師師遷羅浮一日天寒日暮於松林間酒肆旁舍見美人淡粧素服出迎時已昏黑殘雪未消月已微明師師乃語言極清麗芳容襲人因與之和酒家門共飲少頃一綠衣童子笑致殷勤師師醉亦竟風寒相襲冬之東方已白起視大梅花樹上有翠羽則雪相銀月落參橫但惆悵而已此龍城錄

大庾嶺

——上梅花南枝之落北枝方開寒暖之候異也出六帖

上林花

——有朱梅同心梅紫蒂梅出西京雜記

江南寄

陸凱與范曄相善自江南寄梅花一枝詣長安興華僧詩曰昨夜使寄與龍頭人江南無所有聊贈一枝春

笛中曲

宋鮑昭云梅花本——

壽陽粧

宋武帝女——公主人日卧於含章殿下梅花落於公主額上自後有梅
花——今安豐軍有花盛鎮郎其地也出雜五行書

何遜咏

梁——在揚州法曹廨舍有梅花一株遜——其下後居洛思梅花再請其
仕從之抵揚州花方盛對花彷徨出杜詩注

剛態毅狀

宋廣平為相其端慤勁質——疑其鐵心石腸不解吐婉媚辭然觀其
文有梅花賦清新高麗得南朝徐庾休殊不類其為人也後日休休賦序

映日可見

元稹為翰林承旨朝退行至廊下初日映九英梅際光射積有氣勃然百條
望之曰豈腸胃文章——手出帶朝錄

為煙所爍

宋豐之宅後有梅六株開時雪——乃園泥塞竈張幕蔽風又
而人折其屋曰米安士有世外佳人但恨無頭戴之笑出桂林記

僧猷綠英

李白遊道思寺

南塘苑中

以下係紅梅

有紅二亭四面亭紅梅籬志

西崗圖中

永平時此花獨盛於姑蘇晏元獻公始移植——一貴游諸園吏得一枝分接由是都下有二本

遊人莫見

蜀州有紅梅數本即侯建閣鑰——得而——一日有兩婦人高髻大袖低欄語笑即侯高輪閣不見人惟東望有詩云南枝何暖北枝寒一種春風扇兩般過仗高樓莫吹笛人家留取倚欄杆出處遺

北人不識

紅粉紅標格備足而繁密則如香香一類香詩人有——初——一渾作杏花看之句與工梅同開紅白相間因林初春早色也

御女多愁

以下係蟬梅

隋煬帝——素實見紅白——態帝謂虜女甚誠賦之古是詩曰綠絲紅得君王意帝把花枝傍輦行出南部煙水記

洛人因謂

谷詩序

山谷初見

蝶梅——之戲作二絕此盛於京師王元之出詩話

瓊花

要語

瓊花天下無雙惟揚州后土祠一株耳世傳此花乃唐人所植樹大而花繁清馥異常潔白可愛紹興辛巳之交虜騎侵軼或謂今所存者非其舊使非後來得老道士唐大寧者力言其不異則此花恐無復明白於世鮮能不以八仙花目之矣蓋此花雖遭虜人之狼籍然其盤根非他所比似有神物為之遮護靈苗不絕生意復回旣剪而終盛孰使之然哉

瓊花記

余自京口至揚州尋訪舊事知世所傳石土瓊花
在今城之蕃釐觀函往謁之故瓊華猶在然余聞
紹興辛巳之變狂虜入揚州已揭其本而去何從
復得此種也觀壁間諸公所記載有道士以聚八
仙嗣其名聚八仙葉瓣色香皆不類余曾不及見
二花開時類不類不得知獨怪狂虜旣揭其本復
何從得此花種耶有道士出須髯皓然自言生于
崇寧間今年八十有六歲矣能叙今花本末余與
對坐于花之西亭上改容而問道士指花之根幹
而言曰此某手所建之無雙亭處也花舊在無雙
亭下當殿之西北自紹興之十五年何龍圖子固
以古殿虜面勢狹小徒置轉後則花當殿之西南

矣更三十一年知郡事劉公澤復命移花於殿之前
前即今花處乃是歲八月十五日也初二十四年
時直花之東南離三四尺許倏起一小根枝葉日
茂其下大徑寸至是做其何背踈密併移之不敢
易也十一月逆亮渡淮趣揚州直入觀搢花木去
其小者剪而誅之於是某方避亂奔走亦初不知
也虜既退某始於十二月來舊地是時訓練官成
平領兵馬依觀北寨其軍人接某曰觀主至耶瓊
花以壞虜手傍有一小根微見地面可識認非其
種否某心知之謂難以口舌定惟告以瓊花若剔
其根皮投之火則臭達於鼻試之果然軍人皆喜
歡其即默禱后土移植原花處日徃護之越明年
二月既望夜中天大雷雨某詰朝起視而無瓊則

布地皆滿徃所植根傍則勃然三孽從根出矣自是遂條連不已至于今三十年之久見婆婆影蓋常不忘斷根時也道士既言予為之悚然曰盛衰感應之理豈可不知其故哉

瓊華圖叙

夫花之擅名天下者惟揚州瓊花為冠亘古以來獨產於是邵蕃釐觀抑亦受乾坤磅礴之氣以鍾其美者歟故禹貢所載厥草惟夭厥木惟喬信乎其可徵也至若濟陽牡丹廣陵芍藥亦以名花稱然假人力培養盆溉之功乃致品類之夥而大樸斷散徒以夸奇競麗以寓一時之玩好耳豈若茲花之亭亭玉立華溫靚政如貴介公子風流醇雅自有一種丰度宜大愛之至而悅之者衆也卒

茲花與聚八仙頗相似而葉辨色香皆不類瓊花
凡九苞大而辨厚其色淡黃其葉柔潤而瑩澤其
葉與花平不結子而香聚八仙惡可比哉聚八仙
則八朵小而辨薄其色微青其葉大粗而又芒葉
低於花結子而不香蓋大不相侔也

八仙花

八仙花比瓊花而小色微青葉而有芒葉低於花
結子而不香則八頭其朵又小而色香枝葉與瓊
花大相遠矣

古今事實

或云玉葉

楊州石土廟一即李衛公所謂一也嘗不可移徙今京師亦有之出朝退錄

誤以八仙

右主廟瓊花樹大而花繁天下無之孫見過細微使人訪之山中謂山中甚多俱成老樹
林野院故不能大者花不能盛遂不為人所賞後傷之以待之可謂起死回生也

其一 一 王為大元黃八仙之門無也出房後志
持之餘雖亦不與愛八仙之門無也出房後志

作亭以賞

自在而還東平林右土廣壇花伯於濯纓亭也花天下只一條耳本教為惜州一無愛
一一 之彼二別號八仙花出別原武詩序

賦詩以狀

惜州空廟有壇花一條潔白可愛且其體大而花繁不知實何本也俗謂之壇花因
一一 其態出別而詩序

與裔作辨

辨一一 言壇花與裔仙無以有不同者三大而辨厚其色更黃葉綠而墮澤葉紫
花平不結子而香壇花也花小而辨陳色微青葉粗而有芒葉微於花而結子未香
矣八仙也

玉藥花

要語

玉藥花所傳不一有以為瑒花者且端伯以為瓊花李衛公以為山礬者黃山谷以為未囊其說皆非也蓋此花條蔓而生狀如茶蘼柘葉紫莖冬凋春茂花鬚出殆如水線上綴金粟花心腹有碧簫髣髴膽瓶其中別曲一英出衆鬚上散為十餘藥猶刻玉然故名玉藥乃在於此羣芳所未有也唐人所重故於昌觀集覽翰林院皆有之適見潤州招隱寺之花識者鮮不為之稱賞或人不知何見而然亦使不有博物君子則此花將與凡卉無異又安得知名若此之重哉花如有知宜不無待者戴顒字仲若捨宅為招隱寺寺在京口教鶴門外

有亭名玉葉槐扁其上亭之下有玉葉二株峙一桀
其株條髣髴乎蒲萄而非蒲萄之可比輪困磊瑰
如右君子氣象焉其華類柘葉之圓尖梅葉之厚
薄其花類梅而莖瓣縮小厥心微黃類小淨瓶春
春初夏盛開葉獨後凋其白玉色其香殊異而其
高丈餘也是名玉葉土人僉言此花自唐迄今自
天下與此寺只二株亦猶瓊花之於維陽

桃花

要語

月令仲春之月桃始華

詩曰

灼灼其華何彼穠矣華如桃李格

物衆詬花品以少者爲貴多者爲賤世傳廣陵京
口玉葉洛陽牡丹皆以少見貴至如桃花何處無

之不培而滋漫山填谷樵童牧子厭觀熟翫遂
使世人目為凡品然司花之巧不如此而止也今
有數品或黃或碧或絳色垂絲閃爍龍鱗餅子牡
丹水密千葉中求異好事者亦必為之刮目
焉

本草桃花殺產惡鬼令人好顏色味若平無毒主
除水氣破石淋利大小便下三虫悅澤人面三月
三日採陰乾

藥性論云花曝乾杵末以水服二錢心小兒半錢
治心腹痛又禿瘡收未開花陰乾與桑椹赤者等
分作末以猪脂和先取反計洗去瘡痂即塗桑
外臺秘要酒漬桃花飲之除百病好容色

桃花顏

碧桃花碧色

合懷三色桃一朶上三色山

桃花淺紅色生山間

千葉碧桃

緋桃花千葉大紅花

黃桃花

見中州詩集王齊黃桃花
言律詩

千葉縵桃

三色桃一枝上三色

古今事實

桃花頤面

此齊盧士理妻崔氏有才李春日以桃花和唾與兒洗面云取白唾與兒洗面作无兒取
紅花與兒洗面作妍華

桃花銷恨

明皇於禁苑中有千葉桃華盛開帝與貴妃日夕宴花樹下帝曰不獨盛華忘憂此
花亦能銷恨出元道亨

泥裹桃花

石曼卿謫過列海州以山崩高峻人路不通了無花卉點綴閑快使人以一一為嫌
拋擲於岸上或或問花發如錦繡出設園

助嬌銷恨

明皇御苑十景
一、紫雲閣中
一、楓林
一、其楓霜下花至著方熟便值園林出西京雜記

巨核

紫紋

成蹊

滿縣

花相映紅

紅塵拂面

丹葩擎露

王介甫桃源行

漢武帝上林苑有細柳——桃金城桃霜桃

李將軍憫如不能出解及死之日天下知與不知皆為流涕復其中心誠信於士大夫

日桃李不言下自——此言雖小可喻大出李廣傳

潘岳為河陽令栽桃李號河陽——花

清明日在護國遊都城而得右人庄叩門求飲有女子開門以玉盃呈及未幾清明設

佳則門已為鎖通回去年今日此門中大白桃花相映紅人面不知何處去桃花依舊笑春風後日往開天戶一老父曰子非在護國吾女此見桃花詩句紀食而牛崖亦

感動

花回

劉禹錫元和十四年自朗召至京師惜者花請君子云紫陌————未無余迹

推園有金堆山有紫————紫葉統風引霧如電映煙成紅伊春之芳乃華之

紫出江淹山桃頌

王介甫桃源行

花金實收為新見錄王長於法陽知有父子無君臣漢郡故身遠遠行花間思見鶯柳阿
世上空知古有春山中豈料今為青閨遠長文我慶春風回首一箇中重華一好字僅得
天下紛紛經數季

李花

要語

格物叢詁桃李三花不先不後同時並開世之善
評花者言桃則必言李然桃之為花妖燒爛熳獨
可以畫而觀李之淡泊纖穠香雅潔密簾可以夜
而盼有非桃之所可得而埒者好事君子每至月
夜爽愛其雪色彌望芳塵襲人輒拚勝賞貢一奇
也

李花類

二色郁李

白郁李

單葉郁李

古今事實

論李九標

蕭何陳士達於龍昌寺看李花相與一有——謂香雜細淡繁密宜月桂梨風
花酒無異色皆實事出平舊集

釀換骨膠

憲字以風李花——勝笑更出人間佳

同詠李花

元微之白樂天兩不相下曰——微之先成曰帝鄉間為樂天乃服蓋華緒白而紅
一時所尚出高隱外書

惟見李花

崔花成同時並開而退之詩有花不見微——之句殊不可解因悅登岩落堂望臨江飛
李花李花曾暗而李獨明乃悟其妙是結畫臨反云出微齊詩序

杏花

要語

格物叢詰杏者東方戲君之精葉似梅而花差大

其色微紅至春二三月始開姚姚艷麗桃花伯仲
間亦可愛也故騷人詠物與梅並言則曰梅杏蓋
取其葉之似也與桃並言則曰桃杏蓋取其花之
近也又有多葉杏黃花香貢絕品也故併及之
本草花味若無毒主補不足女子傷中寒熱痺厥
逆花乾亦入藥用

杏花類

多葉杏

文杏

黃杏花

十葉杏花

黑葉杏

古今事實

杏牆

孔子遊緇丘林坐——之上弟子請言孔子弦歌鼓琴出病

碎錦坊

裴晉公年臨終有文杏百株其處————出晉林異景

探花宴

神龍以來合國宴後於恩寺塔題名唐進士各開別會謂之——以先後之為探花使出掖言

花皆發

唐明皇時遇春雨初晴命取羯鼓臨軒親擊回視柳含實櫻未咲曰此不喚作天公乎出進事

花無恙

徐州百里縣朱陳村有杏花一百十里近有人為德慶戶智通過此村見一杏——也昔東坡詩云我是朱陳舊使君勸農曾入杏花村至今風物那堪語縣吏羅衣打門出詩話

梨花

要語

格物業詰春二三月百花開盡始見梨花此花靚艷寒自甘寂寞罕見賞識於人然有一種名曰棠梨花亦不小結實其大如指亦以梨名或者目以同類云

梨花類

十葉紅梨花見六一居士詩

十葉木梨花

紅木梨花

棠梨花

古今事實

簪花壓帽

梁結梨花時將花一之應帽簪出什西志

為花洗粧

洛陽梨花時人多習酒其言一梨花一一出唐詩錄

衆賀梨花

武帝嘗幸梨園出梨示之曰字何以為年一一曰陛下德被天下故敢再見周家仁及行第
之此世景任不食而不相尋爾等則為先故曰今無應得重矣 香無要風無吾同今第
本黃蕊而梨後花清陰陽也出唐史

酒號梨花

杭州某俗願一越梨花園將熟則一一各飲白公杭州會堂云紅袖織綾誇誇柳帶青願酒
酒越梨花出長安詩集

廣志卷之二百九十一

芍藥

要語

芍藥牡丹之亞也詩稱贈之以芍藥其名最古花
皆六出春三月開組者常先佳者常後莢高二尺
許廣亦盈千豐碩艷麗悅目可珍至其色則世傳
以廣者為貴餘緋紅千葉乃其次也獨產於廣陵
者得風土之正亦猶牡丹之出洛陽四方布種以
歸往往離其土性一歲而小變三歲而大變及其
末也與凡花無異

揚州芍藥譜

天地之功至大而神非人力之所能竊勝惟聖人
惟能体法其神以成天下之化其功蓋出其下而

曾不少加以力不然天地固亦有間而可窮其用
矣余常論天下之物悉受天地之氣以生其大小
短長辛酸甘與夫顏色之異計非人力之可容致
巧於其間也今洛陽之牡丹維楊之芍藥受天地
之正氣以生而小大淺深一隨人力之工拙而移
其天地所生之性故奇容異色間出於人間以人
而盜天地之功而成之良可怪也然而天地之間
事之紛紜出於其前不得而曉者此其一也洛陽
土風之詳已見於今歐陽公之記而此不復論維
揚大抵土壤肥膩於草木為宜禹貢曰厥草惟夭
是也居人以治花相尚維揚人治花法方九月十
月時悉出其根條以井泉然後剝削老硬病腐之
處揉調少糞以培之蒔其故土凡花大約三年或

二年一分不分則舊根老硬而侵蝕新芽故花不成就分之數則小而不舒不分與分之太數皆花之病也花之顏色深淺與葉葉繁盛皆出培壅剝削之力花既萎落剪去其子屈盤枝條使不離散故脉理不上行而皆歸於根明年新花繁而色潤雜花根窠不能致遠惟葉及時取根盡取本土貯以竹席之器雖數千里之遠一人可負數百本而不勞至於他州則壅以沙糞雖不及維揚之盛而顏色亦非他州所有者比也亦有踰年即變而不成者此亦係夫土地之宜不宜而人力之至不至也花品舊傳龍興寺山子羅漢觀音彌陀之四院冠於此州其後民間稍稍厚賂以勾其本壅培治事遂過於龍興之四院今則有朱氏之園最爲冠

絕南北二圖所種幾於五六萬株意其自古種花之盛未之有也朱氏當其花之盛開飭亭以待來遊者逾月不絕而朱氏未嘗厭也撈之人與西洛不異無貴賤皆喜戴花故開明橋之間方之月拂旦有花市焉州宅舊有芍藥廳在都廳之後聚一州絕品於其中不下龍興朱氏之盛往歲州將召移新守未至監護不密悉為人盜去易以凡品自是芍藥廳徒有其名爾今芍藥有三十四品舊譜只取三十一種如緋單葉白單葉紅單葉不入名品之內其花皆六出維揚之人甚賤之余自熙寧八年季冬守官江都所見與夫所聞莫不詳熟又得八品焉非平日三十一品之比皆世之難得今悉列于右舊譜三十一品分上中下七等此前人

所定今更不易

上之上

冠群芳

大旋心冠子也深紅堆葉頂分四五旋其英密簇廣可及半尺高及六寸艷色絕妙可冠群芳因以名之技條硬葉疎大

賽群芳

小旋心冠子也漸添紅而紫小技條久綠葉並與大旋心一同凡品中言大葉小葉堆葉者皆花葉也言綠葉者謂之葉也

寶瓶成

髻子者也微紫色於上十二大葉中密生曲葉回環環抱團圓其高八九尺廣半尺餘每一小葉上

絡以金線綴以玉珠香欺蘭麝奇不可紀枝條硬而葉平

盡天王

柳浦青心紅冠子也於大葉中小葉密直妖媚出衆儻非造化無能爲也枝硬而綠葉青薄

曉粧新

白纈子也如小旋心狀頂上四向葉端點小殷紅色每一朵上或三點或四點或五點象衣中之點纈也綠葉甚柔而厚條硬而絕低

點粧紅

紅纈子也色紅而小並與白纈子同綠葉微似瘦長

粉紅疊春英

紫樓子也廣五寸高盈尺於大葉中細葉二三十重上又聳大葉如樓閣狀枝條硬而高綠葉疎大而尖柔

積嬌紅

紅樓子也色淡紅與紫樓子不相異中之上

醉西施

大軟條冠子也色淡紅惟大葉有數大施心狀枝條軟細漸以物扶助之綠葉色深厚疎而長以柔道粧成

黃樓子也大葉中深黃小葉數重又上展淡黃大葉枝條硬而絕黃綠葉疎長而柔與紅紫黃異此品非今日之黃樓子也乃黃絲頭中盛則或出四

五大葉小類黃樓子也蓋大非黃樓子也

掬香瓊

青心玉板冠子也本自茅山來白英國掬聖密平頭枝條硬而綠葉致且光

素粧殘

退紅茅山冠子也初開粉紅即漸退白青而素淡稍若大軟條冠子綠葉短厚而硬

誠梅葉

曰冠子也白纈中無點纈是也

紅纈粧勻

粉紅冠子也是紅纈中無點纈者是也

醉嬌紅

深紅楚州冠子也亦若小旋心狀中心緊堆大葉

葉下亦有一重金線枝條高綠葉疎而柔

擬香英

紫寶相冠子也紫接子心中細葉上不堆大葉者

妬嬌紅

紅寶相冠子也紅接子心中細葉上不堆大葉者

縷金囊

金線冠子也稍似細條深紅者於大葉中細葉下

抽金線細細相雜條葉並同深紅冠子者

怨春紅

硬條冠子也色絕淡甚類金線冠子而堆葉條硬

而綠葉疎平稍若柔

妒鵝黃

黃絲頭也於大葉中一簇細葉雜以金線條高綠

葉疎柔

蘇金香

蘇金葉紫單葉也是髻子開不成子於大葉中生小葉尖蘇一線金色是也

試紅粧

緋多葉也緋葉五七重皆平頭條赤而綠葉硬皆紫色

宿粧殷

紫高多葉也條葉花並類緋多葉而枝條葉絕高平頭凡檻中雖多無先後間並齊整也

取次粧

淡紅多葉也色絕淡條葉正類緋多葉亦平頭也

聚香絲

紫絲頭也大葉中一簇紅絲細細是也枝條高綠
葉疎而柔

簇紅絲

紅絲頭也大葉中一簇紅絲細細是也枝葉並同
紫

效殷粧

小矮多葉也與紫高多葉一同而枝條低隨燥濕
而出有三頭者雙頭者較子者銀絲者俱同根而
土地肥瘠之異者也

會三英

三頭聚一莖而開

合懽芳

雙頭並帶而開二朵相皆也

擬繡鞞

鞞子也西邊垂下如所束鞞扶地絕肥而生

銀含稜

銀綠也葉端一稜白色

御衣黃

黃色淺而葉疎葉差深散出於葉間其葉端色又微碧高黃類黃樓子也比種宜非絕品

黃樓子

盛子五七層間金線色比鮑黃

峽石黃冠子

如金線冠子其色深如鮑黃

袁黃冠子

宛如髻子春以金線比鮑黃

鮑黃冠子

大抵與天旋心同而葉差不旋色類鶯黃

揚花冠子

多葉白心色黃漸拂淺紅至葉端則色深紅開以金線

湖纈

紅色深淺相雜類湖纈

電池紅

開須並萼或三頭者大抵花類軟條也

後論

維揚東南一都會也自古錦尚繁盛自唐末亂離群雄據有數經戰焚故遺基廢迹往往無沒而不可見今天下一統井邑田野雖不父古之繁盛而

人皆安生樂業不知有兵革之患民間及春之月
惟以治花木飾亭謝以往來遊樂為事其幸矣哉
揚之芍藥甲天下其盛不知起於何代觀其今日
之盛古想亦不減於此矣或者以謂自有唐若張
祐杜牧盧仝崔涯章孝標李崱王播皆一時名士
而工於詩者也或觀於此或遊於此不為不久而
略無一言一句以及為藥噫其古未有之始盛於
今未為通論也海棠之盛莫盛於西蜀而杜子美
詩名又重於張祐諸公在蜀日久其詩僅數千篇
而未嘗一言及海棠之盛張祐輩詩之不及為藥
不足疑也芍藥三十一品乃前人之所次余不敢
輒易後八品乃得於民間而最佳者然花之名品
特或變易又安知止此八品而已哉後將有出茲

八品之外者余不得而知當未者以補之也
芍藥譜

千葉黃十六品

御衣黃

凌雲黃

南黃樓子

尹家黃

硃石黃

新安黃

銀褐樓子

表黃

壽安黃

溫家黃

青心艷黃

郭家黃

絲頭黃

黃纈子

紅心艷黃

延壽黃

千葉紅十八品

紅樓子

冠子

朱硃旋心

馬家紅

紅纈子

四峰兒

斑肝旋心

醉西施

剪平紅

妬嬌紅

天山纈子

醉嬌紅

愁春紅

楚州冠子

深紅小魏花

淡紅小魏花

茆冠子

柳圓新接

千葉紫四品

紫樓子

龍間子

紫鞍子

粉面子

千葉白三品

玉樓子

白纈子

玉盤盃

千葉緋一品

緋樓

木草為藥味苦酸平微寒有小毒主邪氣復痛除
血痺破堅積寒熱疝瘕止痛利小便益氣通順血
脉緩中散惡血逐賊血去水氣利膀胱大小腸消
癰腫時行寒熱中惡腹痛腰痛一名曰木一名餘
容一名犁食一名解倉一名鋌生中岳川谷及丘
陵二月八月採根暴乾

陶隱居云今出白山蔣山茅山最好白而長人餘
處亦有而多赤赤者小利俗方以止痛乃不咸當

歸道家亦服之又煑石用之今按別本注云此有
兩種赤者利小便下氣白止痛散血其花亦有紅
白二色

掌禹錫按吳氏云芍藥神農若桐君并無毒岐伯
醎季氏小寒雷公酸

藥性論云芍藥臣能治肺和氣腹中疝痛血氣
積聚通宣臟腑擁氣治邪痛敗血主時疾骨熱強
五藏補腎氣治心腹堅脹婦人血閉不通消瘀血
能蝕膿

日並子云治風補勞主女人一切病并產前後諸
疾通月水退熱除煩益氣天行熱疾瘟瘧驚狂婦
人血暈及腸風瀉血痔瘻發背瘡疥頭痛明目
赤努肉赤色多補氣白者治血便是芍藥花根海

鹽杭越俱好

圖經曰芍藥生中岳州谷及丘陵今處處有之淮南者勝春生紅芽作叢莖上三枝五葉似牡丹而狹長高一二尺夏開花百紅白紫數種子似牡丹子而小秋根採根亦有赤白二色崔豹古今註曰芍藥有二種有草芍藥木芍藥木者花大而色深俗呼為牡丹非也又云牛享問曰將離相別贈以芍藥何也答曰芍藥一名白離故相贈猶相招召贈以文魚文一名當歸欲忘人之憂則贈以丹棘丹棘一名忘憂使忘憂也欲蠲人之念則贈以青囊一名合歡贈之使忘念也張仲景治傷寒湯多用芍藥以其主寒熱利小便故也古人亦有單服食者安期生服鍊法云芍藥二種者金芍藥二者

木為藥欸病用金為藥色多腠肉木為藥色紫瘦
多瘦若取審有勿令差腊若欲服餌採得淨刮去
皮以東流水煮百沸山陰乾停三月又於木甕內
蒸之上覆以淨黃土一日夜出陰乾搗末以麥飲
或酒服三錢七日三滿三百日可以登嶺絕谷不
飢正元廣利方治婦人女子白赤下年月深不差
者取白芍藥三大兩并乾姜半大兩細剉契令黃
搗下篩肚和飲汁服二錢七日再佳又金創血不
止而痛者亦單搗白芍藥末傳上即止良驗

唐本註益好血

靈公云凡採得後於日中曬乾坤竹刀刮上麋皮
并頭土了剉之將密水拌燕從已至未曬乾用之
經驗後方治風毒骨髓疼痛芍藥二分虎骨一兩

炙為末夾絹袋盛酒三升漬五日每服三合日三服

博濟方治五淋赤芍藥一兩檳榔一箇麝香煨為末每服一錢七水一中煎七分空心服

廣利方治金瘡血不止痛白芍藥一兩熬令黃拌令細為散酒或米飲下二錢並得初三服漸加初虞世治咯血衄白芍藥壹兩犀角末一分為末新水服一錢七血土為限

別說云謹按本經芍藥生丘陵川谷今世所用者多是人家種植欲其花葉肥大必加糞壤每歲八九月取其根分割因利以為藥遂累乾貨賣今淮南直陽尤多藥家見其肥大而不知香味絕不佳故入藥不可責其效今考用宜依本經所說川谷

丘陵有生者為勝爾

衍義曰芍藥全用根其品一多須用花紅而單葉
山中者為佳芍藥多即根然其根多赤色其味澁
若或有色白粗肥者益好餘如經無血虛寒人禁
此一物古人有言曰戒芍藥以避中寒誠不可忽
古今事實

四相賞花

花之名天下者洛陽牡丹廣陵芍藥耳紅紫而黃粉號金帶圖
而無種有特而出則城中當有宰相歸觀公守廣陵日出四枝
公當其一選客其藥以賞之是時王岐公以高料為平利
公以名士為偶皆在選而聞其一吳有當者數日不決而花
已盛公命或客而私自念今日有過客不問何如召使當之
及春南水門報陳太傅表亟使召之乃秀公也明日有事折
花歌以揮之其後四方皆為首相出后巖談

萬花會

東坡云揚州芍藥為天下冠原繁初為守始作萬花會用花
十餘萬枝既殘諸園又更因緣為姦民大病之余始至問民

疾苦以此為首遂罷之万花本洛陽故事亦以為民害也今當有罷之者錢惟演為留守始置解有各花藏者顧之曰此宮妾免君之意也出為隱叢話

腰金紫

四枝正紫重附累考中有金紫總之說七出東軒筆錄

海棠花

要語

格物叢話木以海為名者悉從海上來南朝沈約始以詩詠之今閱此花乃五出初則極紅如胭脂點點及開則暈成纈暈比其落也則若宿粧淡粉彼有謂其似木瓜林離花者恐非真是或者特棠梨花爾惜其有色無香未得造化之全而其有色而香惟蜀中嘉州種為然世傳其木獨合抱與它所不侔也然江浙間又有一種桑枝長蒂者顏色淺紅畫英向下如日焉乃謂之垂絲海棠與此大

不類蓋強名爾善品題者不可以一槩故併及之
海棠譜

叙事

蜀花稱美者有海棠焉然記牒多所不錄蓋恐近代有之何者古今獨業此而取比耶嘗聞貞宗帝御製後苑雜花十題以海棠為首章賜近臣唱和則知海棠足與牡丹抗衡而可獨步於西州矣因搜擇前志惟唐相賈元靖耽著百花譜以海棠為花中神僊誠不虛美矣近世名儒巨賢發于歌詠清亂麗句往往而得立慶曆中為縣洪雅春多暇日地富海棠幸得為東道主惜其繁艷為一隅之滯卉作海棠記叙其大槩好事者幸為誦焉
沈立海棠記云棠之稱甚衆若詩有蔽芾甘棠又

曰有杜之杜又再雅釋木曰杜并棠也杜赤棠白者棠又吕氏春秋果之美者棠實又俗說有地棠棠梨沙棠味如李無核軟是數說俱非謂海棠也凡今草木以海為名者酉陽雜且云唐贊皇李德裕嘗言花名中之帶海棠者悉從海外來故知海樓海柳海石播海木瓜之類俱無聞於記述豈以多而為多邪又非多也誠恐近代得知于海外耳又杜子美海棠行云欲裁北辰不可得惟有西域胡僧識若然則贊皇之言不誣矣海棠雖盛於蜀人而蜀不甚重今京師江淮尤競植之每一本價不下數十金勝名園木為佳致而出江南者復稱之曰南海棠大抵相類而花差色尤深耳棠性多類梨核生者長遲遲十數年方有花都接花工

多以嫩枝附梨而贅之則劫矣種宜壠壤膏沃之地其根矣黃而盤勁其本堅而多節其外白而中赤其枝柔密而脩暢其葉杜者縹綠色而小者淺此色其紅花五出初極紅而臘脂點點然及開則漸成纈暈至落則宿粧淡粉矣其蒂長寸餘淡紫色於葉間或三萼至五萼為葉而生其葉如金粟藥中有鬚三如紫絲其香清酷不蘭不麝其實狀如梨大若櫻桃至秋熟可食其味耳而微酸茲棠之大槩也

韻語陽秋杜子美居蜀累年年吟詠殆遍海棠奇艷而請章獨不及何耶鄭谷詩云浣花溪上空惆悵子美無情為發揚是已本朝名士賦海棠甚多往往皆用此為實事如石延年云杜甫句作畧節

能詩未工錢易詩云子美無情甚都官着意頻李
定詩云不占工部風騷力猶占勾芒造化權獨王
荆公詩用此作梅花詩最為有意所謂少陵為爾
牽詩興可是無心賦海棠末句云多謝許昌傳雅
什蜀都曾未識人不道破為尤工也

冷齋夜話云東坡海棠詩曰只恐夜深花睡去更
燒銀燭照紅粧事見太貞外傳曰上皇登沈香亭
召太貞妃于時外醉未醒命力士使侍兒扶掖而
至妃子醉韻殘粧鬢亂釵橫不能再拜上皇笑曰
豈妃子醉是海棠睡未足耳

古今詩話東坡謫黃州居于定惠院之東雜花滿
花而獨海棠一株土人不知貴東坡為作長篇平
生喜為人罵人間刻石者自有五六本云吾平生

敢得意詩也

石林詩韓持國維剛果特立風節凜然而情致風
流絕出時輩許昌崔象之侍郎舊第今為柱君所
有廳後小亭僅丈餘有海棠兩株持國每花開輒
載酒日飲其下竟謝而去歲以為常至故吏尚能
言之

冷齋夜話少遊在黃州飲于海橋橋南北海棠有
老書生家海棠叢間少遊醉卧宿於此明日題其
柱曰喚起一声人悄衾暖 窓曉瘴雨

棠開春色又添多少社癯醺成微笑半破癯瓢共
自覺健倒急投床醉鄉廣大人間小東坡喚之恨
不其腔當有知之者耳

墨客揮犀李升大夫客都下一年無差遣乃授昌

州議者以去家遠乃改授鄂州倅淵材聞之乃吐
飲大步往往李白誰為大夫謀昌佳郡也柰何章
之李驚曰供給豐乎曰非也民訟簡乎曰非也曰
然則何以知其佳淵材曰海棠無香昌州海棠獨
香非佳即乎聞者傳以為笑

冷齋夜話前輩作花詩多用美女比其狀如曰若
教解語應傾國任是無情也動人陳偕哉山谷作
酴醾詩曰露濕何郎試湯餅日烘荀令姪爐香乃
用美丈夫比之若將出類而吾叔淵材作海棠詩
又不然曰雨過溫泉浴妃子露濃湯餅試何郎意
尤工也

復齋漫錄仁宗朝張晃學士賦蜀中海棠詩沈立
取以載以海棠記中云山水小開千顆顆水林檎

發一攢攢注云大約木瓜林檎花初開皆與海棠
相類若晁言則江西人正謂棠梨花耳惟紫綿色
者始謂之海棠按沈文記言其花五出初極紅臘
脂點點及開則漸成纈暈至落則若宿粧淡粉審
此則是木瓜林檎六花者非貞海棠明矣晁元猷
云已定復搖春水色似紅如白海棠花然則元猷
亦與張冕同意耶

茗溪漁隱閩中漕宇修貢堂下海棠極盛三面共
二十四叢長條脩幹頃所未見每春着花貢錦繡
段其間有如紫綿揉色者亦有不如此者蓋其種
類不同不可一槩論也至其花落則皆若宿粧淡
粉矣余三春對此觀之至熟大率富沙多此官舍
人家往往皆植之並是帶子海棠正與蜀中者相

類斯可貴耳今江浙間別有一種柔枝長蒂顏色
淺紅垂英向下如日萼者謂之垂絲海棠全與此
不相類蓋強名耳

冷齋夜話吾叔劉淵材曰平生事無限所恨者五
事耳人間問其故淵材歛說歛目不言久之曰吾
論不入時聽恐汝曹輕易之問者力請乃荅曰第
一恨鱗與多骨二恨金橘大酸三恨蓴菜性冷四
恨海棠無香五恨曾子固不能詩聞者大笑淵材
瞠目荅曰諸子果輕易吾論也

碧溪詩話王介甫梅詩云少陵為爾詩興可是無
心賦海棠杜點云倚風莫怨唐工部後裔誰知不
解詩曾不若東坡柯無海棠長篇冠古絕今雖不
指名老杜而補亡之意蓋使來世自曉也

吳興沈氏註東坡詩東風嫋嫋泛崇光香霧霏
月轉廊只恐夜深花睡去更燒高燭照紅粧先生
當作大字如掌書此詩似是晚年筆別與集本不
同者嫋嫋作渺渺霏霏作空濛故墨跡舊藏秦少
師伯陽後歸林右司子長今從墨蹟詩話揔龜東
坡謫居齋安時以文章游戲三昧齊安樂籍中李
宜者色藝不下他妓因燕席中有詩曲者宜以語
訥不能有所請人皆咎之坡將移臨汝於飲餞處
且哀鳴力請坡半酣笑謂之曰東坡居士文名久
何事無言及李宜恰似西川杜工部海棠雖好不
吟詩

外史檮杌蜀潘炕有嬖妾解愁姓趙氏其母夢吞
海棠花藥而生頗有國色善為新聲

雲仙散錄黎常云欲令梅聘海棠振子臣櫻桃及以芥嫁笋但恨時不同然牡丹醑醑楊梅批把盡為執友

海棠花鮮而盛於冬至日早以糴水澆根下
瑣碎後錄李贊皇花木記以海棠為名者悉從海
外来如海棠之類是也

海棠候花謝結子剪去來年盛而無葉

貞宗御製後苑花十題以海棠為首近臣唱和
牡丹榮辱志唐相價耽著百花譜以海棠為花中
神僊

重葉海棠曰花命婦又云多曰花戚里長春備用
每歲冬至前後正宜掇窠子隨手使肥水澆以盆
過麻屑糞土壠培根抵使之厚密總到春暖則枝

葉自然大發著花亦繁密矣長樂志海棠色紅以木瓜頭接之則色白

花木錄許昌薛能海棠詩叙蜀海棠有開而詩無開南海棠木性類海棠青葉微圓而色深光滑不相類花半開時黃色盛開漸淺黃矣

來禽花

來禽即林禽花似南海棠而粉白色楚人誤以謂海棠花

海棠類

蜀海棠葉莖類薔薇開花深紅色而繁艷比紫綿而深

南海棠其花如林檎如色嬌紅

吊子海棠正與蜀其中相類出閩中

垂絲海棠柔枝長蒂顏色淺紅垂絲英向下如日
薦者江浙多植以櫻杏接

黃海棠葉圓而色深光滑不相類木性類海棠花
半開鵝黃開盛開漸淺黃矣

長樂海棠以木瓜接故色白

杜海棠色淡

綉線海棠嬌色

秋海棠草本至秋如開花如海棠紫莖葉大高尺
許人以謂之斷腸草

古今事實

大貞被酒

明皇登沉香亭召太真妃子。時妃醉未醒命力士從侍兒扶掖而至醉
顏殘粧鬢亂釵橫不能再拜明皇笑曰此真海棠花鵝未足耳出含露傳

子美無詩杜子美名海棠所以集中海棠不出詩話

羅隱一本為錢愔金華子推海棠於舊為庭前上而保無詩賦之

淵材三限楚一補魚多骨金橘多酸海棠無香出詩話

花中神仙唐相賈耽看百花譜以海棠為花中神仙出花木錄

花中名友曾端伯謂酒為主友海棠為一出詞話

海棠窠徐儉樂道隱於棠肆中家植一結窠其上引客登木而飲出緝珠集

和海棠題貞宗御製後苑雜花十題以海棠為首賜近臣唱和

恨不同時以梅聘海棠似一一耳出金城記

蘭花

要語

說文蘭香草也

聞見錄楚人曰蕙者今零陵香是也

禮記婦人或賜之蘭茝則受獻諸舊姑

易曰同心之言其臭如蘭

家語芝蘭生於盛林中不以無人而不芳君子
脩道立德不為困窮而改節

又云與善人居如入芝蘭之室久而知其

離騷綴秋蘭以為佩又九歌蕙肴蒸兮

湘君既有芷兮禮有蘭

蘭香草也叢生出谷

莖赤節綠葉光潤一幹而一花花兩三瓣幽香清
遠可挹然或白或紫或淺碧間亦有一幹而双頭
者花時常在春初雖霜之餘高潔自如再至於蕙
亦有似於蘭而兼差大一幹而五七花時常在夏
秋間花不及蘭也彼有所謂幽蘭有所謂猗蘭又
別種也

王氏蘭譜

窓前有草蕙溪周先生蓋達其主意是格物而非
玩物予及亥龍江王進叔整暇於六籍書史之餘
品藻百物封植蘭烏設客難而主其譜擷英於幹
葉香之殊得趣於耳目口鼻之表非体蘭之生意
不能也所稟既異所養又充進叔資學亦如斯蘭
野而岩谷家而庭堦國有臺省隨所置之其無數
夫章可以會仁意蘭之一草云乎哉君子養得於
是乎在淳祐丁未孟春戊戌蒲陽葉大有序
萬物皆天地委形其物之形而秀者又天地之委
和也和氣所鍾為聖為賢為景星為鳳凰為芝草
草有蘭亦然世稱三友挺挺花卉中竹有節而畱
花梅有花而畱葉松有葉而畱香惟蘭獨併有之

蘭君子也。餐霞飲露，孤竹之清；擇勁柯，端莖，汾沔之清節，清香淑質，靈均之潔操，韻而幽妍，而淡曾不與西施何。卽茅伍以天地和氣委之也。予嗜焉成癖，窻几之下，具於心服於身，復於声之間，搜求五品。其性質植之客有謂予曰：「此身本無物，子何取以自累？」予應之曰：「天壤間萬物皆寄尔耳。聲之寄目，色之寄鼻，臭之寄口味，之寄有耳目口鼻而欲絕夫声色臭味，則天地萬物將無所寓其寄矣。若總其所以寄我者而為我有，又安知其不我耶？」客日然，遂譜之淳祐丁未，龍王貴學進叔敬書。

品第之等

涪翁楚人，滋蘭九畹，植蕙百畝。蘭少故貴，蕙多賤。予接本草，薰草亦名蕙。草葉曰蕙，根曰薰。十二畝。

為晚百畝自是相等若以一輪數花而蕙賤之非也今均目曰蘭天下深山窮谷非無幽蘭生於漳者既盛且馥其色有深紫淡紫真紅淡紅黃白碧綠魚鮑無鉸之異就中品第紫蘭陳為甲吳潘次之如趙如何如大小張淳監糧趙長泰長泰漳州邑名紫許景初以下又其次焉金陵邇為紫袍奇品白蘭龜山為甲施花蕙知客次之如李如馬如鄭如濟老十九蕊黃八元周染以下又其次而魚鮑蘭為白花奇品其本不同如此或得其人或得其名所產之異其名又不同如此

灌溉之候

洛翁曰蘭蕙叢生萐以沙石則茂汰以湯茗則芳予於諸蘭則愛之大息使之碩而茂蚤而蕃蔣汰

以時而已一陽生於子根莖正稜受肥尚淺其澆
且薄南薰時來沙土正清嚼肥滋多且厚秋七八
月預防冰霜又以濯魚肉水或穢腐水停久反清
然後澆之人力所至蓋不者寡矣

分拆之法

予於分蘭次年終開花即剪去末養其氣而不泄
尔未分時前期月餘取合用沙去礫礪塵使糞夾
和為土
糞勿用晒乾儲久逮寒露之後擊碎元盆輕手

解拆去舊盧頭存三年之穎或三穎四穎作一盆
舊穎內新穎外不可太高恐年久易隘不可太低
恐根局不舒下沙欲疏而通則積雨不漬上沙欲
細則潤宜泥沙順性雖橐駝復生無易於此

泥沙之宜

世稱花木多品惟竹三十九種菊有一百二十種
百餘種牡丹九十種皆用一等沙泥惟蘭有差
良魚鮑宜黃淨無泥沙濟肥則腐吳蘭山霞宜
細適宜亦沙澆則肥朱李竈山宜山下流聚瘦沙
老惠知客馬大同大小鄭且溝塹黑濁沙何趙蒲
許大小張金陵邊則以赤沙和泥種之身陳八斜
夕陽紅以下任意用沙皆可須盆面沙燥方澆肥
平常澆水亦如之而澆水時與澆肥異肥以一年
三次水以一月三次澆大暑又倍之此封植之法

受養之地

靖節菊和靖梅漁溪蓮皆識物貞性蘭性好通風
故臺太高冲陽太低隱風前宜向離宜背坎故迎
南風而障北吹蘭性畏近日故地太狹蔽氣太廣

逼炎左且近野右且依林欲引東陽而避西照炎
烈廢之凝寒晒之蚯蚓根以小便去之枯蠅點葉
以油湯拭之摘莠葉去蛛絲一月之內凡數十週
迴其側直性識之

摘逾淮為枳穀逾汝則死予每病諸蘭肩輿外即
取憐貴家既非土地之宜又失蔭養之法久皆化
而為茅故以自得活民賄諸同好君子倘如鄙言
則紉為紉為佩揉為漿生意日茂 九畹而止

紫蘭

金陵邊出於長泰陳氏或云東郡迎春坊門王元
善家如龍溪縣後林氏花因火為王所得有十二
三萼幽香凌桂勁節芳松花似吳而若小其葉自
尖處分為兩邊各一線許夕陽返照恍然金色漳

人寶之亦罕傳傳於外是以價高十倍於陳吳日之為紫蘭奇品

陳夢良有二種一紫幹一白幹花色淡紫大似鷹爪排釘甚疎壯者二十餘莖葉深綠尾微焦而黃好溫惡於受肥惡濁葉半出架而尚抽蕊幾與葉齊而未破昔陳承議得於官所而奇之孫夢良字也葉之難桐傍一夕吐夢二十五與葉俱長三尺五寸有奇人室之曰陳夢良諸蘭今年賴為子去年為父越去年為祖惟陳蘭多缺祖所以價窮其葉森潔扶如劍脊尾焦黃衆蘭項花皆並俯惟此花獨仰特異於衆

吳蘭色深紫向吾散得於龍岩漳州鉄礦山鉄鉄叢石心而婉媚葉之脩綠冠諸品得所養則峽生有

三十餘萼性頗受肥亭亭特特隱然君子立乎其
前初城翁本性有仙霞色深紫花氣幽芳勁操特
節幹葉與吾相仲特花深耳

趙十使即師溥色淡壯者十四五萼葉色茶綠花
似仙霞葉之脩勁不及之

何蘭壯者十四五萼繁而抵壓治而倒披花色淡
紫似陳蘭第花幹何壯而則瘦陳葉尾焦而何則
否或名潘蘭有紅酣香醉之狀經雨露則嬌困號
醉楊妃不常發似仙霞

大張青色深紫壯者十三萼資勁質直向北門張
其姓讀書岩谷得之花有二種大張花多小張花
少大張幹花俱紫葉亦肥瘦勝小張慳於發花
蒲統領色紫壯者十萼淳熙間蒲統領引兵逐寇

忽見一所似非人世四出蘭欲摘而歸一老叟前
曰此蘭有神主之不可多摘取數穎而歸

陳八斜色深紫壯者十餘莖發則盈盆花頗大張
青幹紫過之葉綠而瘦尾薄下垂一作紫花中能生
者為最間有一帶雙花

淳監糧色深紫多者十莖或生並帶幹曲花杜俯
者如想倚者如瘦葉高三尺厚而且直其色尤紫
大紫壯者十四莖出於長泰亦以邑名近五六載
葉綠而茂花韻而幽

許景初十二莖者花色鮮紅凌晨泛露若素練輕
茜玉顏半配幹微曲善於排釘葉頗散垂綠亦不
深

石門紅其色紅壯者十二莖花肥而促色紅而淺

一作葉雖龐壯亦不甚高盈滿則生亦云趙蘭

小張清色紅多有八萼淡於石門紅花幹甚短止拱簪插

蕭仲紅色如退紫多者八萼葉綠如芳茅其餘餘纖長花亦離踈時人呼為花梯

可首座色淡紫壯者九萼陳吳諸品未出人爭愛之既出其名亞矣

林仲禮色淡紫壯者九萼花半開而下視葉勁勁而黃云仲美

莊觀成色輕紫多者八萼類陳八斜花與葉不甚都茅蘭其色紫葉有二寸大長四寸有奇壯者十六七萼龐而俗人鄙之是蘭結實其破如線絲絲片片隨風飄地輕生

得之施尉

白蘭

竈色碧壯者二十餘莠出漳浦昔有煉丹於深山
丹未成種其蘭於丹竈傍因名花如葵而間生並
蒂餘花同色葉萼脩齊中有薤葉黃東野朴守漳
品為花魁更名碧玉絲待以秋花故殿於紫之後
濟老色微綠壯者之十五莠逐瓣有一線紅暈界
其中餘絕高花繁則餘不得制得所養則其生紹
興間僧廣濟脩菴窮谷有神人授數 蘭曰此蘭
在山陰久矣師今行果已滿 芳僧植之岩下
架一脈之水溉焉人植而名之又名一線紅以花
中界紅脈若一線然幹花與竈山相若惟竈山花
開玉頂下花如落以此分其高下此花性生壺每

歲只生一

惠知客色潔白或向或背花英淡紫片尾微黃頗似施蘭其葉最茂有三尺五寸餘頗似施蘭色黃壯者十五莖或十六七莖清操潔玉馨德熏香花頭頗大歧幹而生但花間未周下葉半隨葉深葉壯而長冠於諸品此等種

李通判色白壯者十二莖葉有劍脊挺直而秀最可人眼所以識蘭趣者不專看花正要看葉

鄭伯善色碧多者十五莖歧生過之膚美體膩翠羽金屑花若懶散下視其餘尤碧交秋乃花或謂大鄭

鄭少季色潔白壯者十七八莖鄭得之雲霄葉勁曰大鄭兼軟曰小鄭散亂蓬頭少季葉疎花生則

盈盆引幹齊葉三尺勁壯似仙霞

仙霞十九蓋色白鮮者如濯含者如潤始得之泰
色初不為奇植之蓋多因以名花比李通判則過
之

馬大同色碧壯者十二萼花頭肥大瓣絲片多紅
暈其葉高聳幹僅半之一名朱撫或曰翠微又曰
五葦綠葉散端直冠他種

黃八兄免紫白壯者十三萼葉綠而直善於軸幹
頗似鄭花多猶荔十八娘

朱蘭得於朱僉判一色黃多者十一萼花頭似開
列向一隅若虫之嘉幹葉長而瘦

周染色白壯者十類萼葉與花俱類鄭而幹短弱

葉幹長者為少不細促而葉
微黃者為花餘短者為弱花

夕陽紅色白壯者八萼花片雖白尖處微紅若夕陽返照或謂產夕陽院東山因名

雲嶠色白壯者七萼花大紅心隣於小張以所得之地名葉深厚於小青高亦如之雲嶠海島之精藍

林即馬其色綠出長泰壯者十三萼葉厚而壯似施而香過之

青蒲色白七萼挺肩露類碧玉而葉低小僅尺有五寸花尤白葉綠而小直而偃

獨頭蘭色綠一花大如鷹爪餘高二寸葉類麥門冬入臘方薰馥可愛建浙間謂之猷歲正一幹一花而香有餘者山鄉有之間有雙頭者洛翁以一餘一花而香有餘者蘭也

觀堂主色白七萼餘紅花聚如簇葉不甚高婦女多翫之

名第色白七八萼風韻雖亞以出周先生讀書林

先生諱

巨物元和進士傍

邦人以先生故愛而存之

魚魀蘭一名趙蘭十二萼花片澄澈宛如魚魀采而沉之無影可指葉頗勁綠真微曲焉此白蘭之奇品更有高陽蘭四明蘭

碧蘭始出於甯陽

興花

龜山院陳沈二仙脩行處花

有十四五萼與葉齊脩葉直而瘦花碧而芳用紅沙種雨水澆之甯中奇品或山而泥和泥亦宜之翁通判色淡紫壯者十六七萼葉最脩長此泉州之奇品宜末泥和沙

劍蘭色白而潔味萼而齒葉不甚長只近二尺許

茶綠可愛最怕霜凝日晒則葉尾皆焦愛肥惡於
好濕惡濁清香皎潔勝於漳蘭但葉不如漳蘭脩
長此南劍之奇品也品第亦多而予尚未造其妙
宜黑泥和沙

碧歲色碧壯者二十餘莖葉最脩長得於所養則
莖脩於葉花葉齊色香韻而莖長三尺五寸有餘
更有一品而花葉俱短三四寸許愛濕惡於最怕
烈日晒之不得其本性則腐爛此廣州之奇品也

跋

猗：孔琴耿：楚佩百載尚友二人同心孰識箇
中趣閔王進叔蘭譜頗意解苟得其養何物不長
厭而飲之使自得之便當入室而化此可與有鼻

金漳蘭譜

予大父朝識彥自南康解印還里卜居築茅引泉
植竹因以為亭會宴乎其間得郡侯傳上伯成名
其亭曰質當世界又以其東架數椽自號趙翁書
院回峯轉向依山疊石盡植花木叢雜其間繁陰
之地環列蘭花掩映左右以為遊憩養病之地予
時尚少自在其中每好其花之香體之清香之愛
目不能捨手不能釋即詢其名然而識之是以酷
愛之心殆幾成癖學自嘉定改元以復有未數品
又高出於向時所植者予嘉而求之故盡得其花
之容質無失對培養之法而品第之殆今三十
矣就而未常與達者道暇日有朋友過予會詩酒
琴碁之後倏然而問之予則曰有是心哉即縷縷
為之詳言友曰吁亦開發後堯之一端也豈汝一

身可得而私有何不示諸人以廣其予不得辭因
則為一卷名曰金漳蘭譜款以續前人牡丹荔枝
譜之意予以是編紹定癸巳六月良日淡齋趙時
庚謹書

叙蘭容贊第一

陳夢良色紫每餘十二萼花頭極大爲衆花之冠
至若朝暉微照曉露暗濕則灼然騰秀亭然露奇
飲膚傍餘團圓四向婉媚嬌綽竚立凝思而不勝
情花三片尾如帶微青葉三尺頗尙弱照然而綠
背雖似劍脊至尾陵則軟薄斜撒粒許帶縑最爲
難種故人希得其真

吳蘭色深紫有十五萼餘餘紫莢紅所養則歧而
生至有二十萼花頭差大色英人目如翎翹者鳳

千態萬狀葉則高大剛毅勁節蒼然可愛

潘花色深紫有十五萼幹紫圓匝齋整疏密得宜
疏不露幹蜜不簇枝綽綽作熊竊窺逞姿真所謂
艷中之艷花中之花也視之愈久愈見精神使人
不能捨去花片近中所色如吳紫艷過於衆花葉
則差小於吳峭直雄健衆莫能及其色特深或云
仙霞乃潘氏西上於仙霞嶺得之故人更以爲名
趙十四色紫有十五萼初萌甚紅開時若晚霞燦
目色更晶明葉深綠合於沙上則勁直肥綠超出
群品亦云趙師博蓋其名也

何蘭色紫中紅有十四萼花頭倒壓亦不甚綠品
外之奇

金梭邊色深紫有十二萼出於長泰陳家色如吳

花片則差小，幹亦如之。葉亦勁健，所可貴者，葉自尖處分二邊，各一線，許直下至葉中，處色映日如金線，其家寶之猶未廣也。

白蘭甲

濟老色白，有二十萼，標致不凡，如淡粧西子，素裳縞衣，不染一蘼葉，與施夜迺似，更能高一二寸，得所養則歧而生，亦號一線紅。

竈山有十五萼，色碧玉，花枝開，皮膚鬆美，顚顚昂昂，雅特閑麗，貞蘭中之魁品也。每生並蒂，花幹最碧綠，葉而瘦薄，開生子，蒂如苦蕒，葉葉相似，俗呼為綠衣郎。黃殿講號為碧玉幹。

施花色微黃，有十五萼，合並幹而生，計二十五萼，或迭於根，美則美矣，每根有萋葉，朵朵不嫩，細葉

最綠肥厚花頭似開不開幹雖高而貴實瘦葉雖勁而貴實柔亦花中之上品也

李通判色白十五萼峭特時雅淡追風冠露如泣如訴人多愛人或類薔花則減一頭地位葉小施花側春最長真花中之上品惜乎甚勁直

惠知客色白有十五萼賦質清麗團簇齊整或向或背嬌柔瘦潤花莢淡紫片尾凝黃葉雖綠而細而觀之但亦柔弱

馬大同色碧而綠有十二萼花頭微大間有上向者片多紅暈葉則高聳蒼然肥厚花幹勁直及其葉之半亦名五暈絲上品之下

卿少舉色白有十四萼瑩然孤潔極為可愛葉則脩長而瘦散亂所謂蓬頭少平也亦有數種只是

花有多少葉有軟硬之別白花中能生者無出於此其花之姿質可愛為百花之翹楚者

黃八兄兔白有十二萼善於抽榦頗似鄭花惜乎榦弱不能支特葉綠而直

周染花色白十二萼葉與萼倍鄭花無異第榦短弱耳

夕陽紅花有八萼花片凝失色則凝紅如夕陽返照於物

觀堂主花白有七萼花聚簇葉不甚高可婦人曉粧

青浦色有七萼挺肩露骨甚顯崑山而花潔白葉小而直且綠只高尺五六寸

名第色白有五六萼花似鄭葉最柔軟如長新葉

長則舊葉隨換人多不種

弱脚只是獨頭蘭色綠花大如鴈爪一幹一花高二三寸葉瘦長二三尺入牕方花薰馥可愛而香有餘

魚鮑蘭十二萼花片澄澈宛如魚鮑采而沉之水中無影可指葉頗勁綠比白蘭之奇品也

品蘭高下第二

矛常謂天下凡幾山川而其支派源委與夫人跡所不至之地其間山物石罅斜谷幽竇又不知其幾多過古之脩竹轟空之危木雲煙覆
旋萬籟蕭道陽輝不燭冷然泉声磊乎萬狀隨地人異則所產之多人賤之蔑如也倏然輕乎於樵牧之手而見駭然識者後而得之則必携持登高

周涉長途欣然不憚其勞中心之所好者何初不能以售凝而置之也其地近城百里淺小去處亦有數品可取何必求諸山谷每論及此徃徃啟識者雖有不避之誚母及地迥而氣殊葉萎而花蠹或不能得培植之三昧者耶是故花有深紫有淺紫有深紅有淺紅與夫黃白綠碧魚鮑金錢邊芽品是必合其地氣之所種而然意亦隨其本質而產之軟抑其皇穹儲精有星星慶雲垂光遇物而流形者也噫萬物之殊亦天地造化施生之功豈予可得而輕議哉切常私合品第而類之以謂花有多寡葉有強弱此固因其所賦而然也苟惟人力不至則多者從而寡之弱者又從而弱之使夫人何以知其蘭之高下其不誤人者幾希

嗚呼蘭不能自異而人異之耳故必執一定之見而品藻之則有茫然之性况人均一心心均一見眼力所至非可誣也故紫花以陳夢良為甲吳潘為上品中則題十使何蘭大張青蕭繞嶺陳八斜淳監猥下品則許景初石門紅小張青蕭仲和可首座林仲孔莊觀成外則金銓邊為紫花奇品之冠也白花則濟老竈山施花李通荆惠知客馬大因為上品所謂鄭少舉伯善黃八兄周染為以下品夕陽紅雲嶠朱花觀堂主青浦名第弱脚王小姐者也趙花又為品外之奇

天地愛養第三

天不言而四時行百物生者何蓋歲分四時生六氣合四時而言之則二十四氣以成其歲功故凡

直穹壤者皆物也不以草木之微昆虫之細而必欲各遂其性者則在乎人因以氣候以生全之者也彼動植者非其恩乎及草木者非其仁乎斧斤以時入山林數畧不入污池又非其能全之者乎夫春為青帝回馭陽氣風和日暖蟄雷一聲而土脉融暢萬彙叢生其氣則有不可得而拚者是以聖人之仁則順天地以養萬物必欲使二物得遂其本性而後已故為臺太高則衝陽太低則隱風前宜面南後宜背北蓋欲通南薰而障北吹也地不必曠曠則有日亦不必狹狹則蔽氣右宜近林左宜近野欲引東日而避西陽夏遇炎烈則蔭之冬逢泣寒則暴之下沙欲䟽䟽則連雨不能淫上沙欲濡濡則酷日不燥至於揅引葉之架平獲根

之沙防蚯蚓之傷葉蟻蟻之穴去其毒草除其雜
絲助其新篴剪其敗葉則愛養之法也如斯其餘
一切衆虫族類皆能嘉化並可除之所以封植溉
灌之法詳載于後

堅性封植第四

草木之生長亦猶人焉何則人亦天地之物耳間
居暇日優游逸豫飲膳得其時寒暑適其宜則安
心体逸氣和神爽又安尪羸之患哉請得以蘭而
言之且一盆盈滿自非六七載莫能至此皆由夫
愛養之念不替灌溉之功愈久故根與土合性與
壤俱然後森鬱雄健敷暢繁麗其花葉蓋有得於
自然而然者合焉歆分而拆之是裂其根芟易其
沙土况或灌既之失時愛養之乖宜又何異於人

之飢飽則燥濕干之邪氣乘間入其榮衛則不免其所侵損所謂向之寒暑適宜肥瘦得時者此豈一朝一夕之所能仍舊也故必於寒露之後立冬以前而分之蓋取萬物得歸根之時而其葉則養根則老故也或曰於此時分一盆吳蘭各其盆之端立則不忍擊碎因剔出而根已傷監三年培植尤至困踣予今深以為戒欲盆其蘭而雖用碎其盆務在輕手擊之亦須緩緩解拆其交互之根勿使有拔斷之失然逐窰取出積年舊蘆頭只存三年者每三窰聚之互相枕藉使新窰在外作三方向却隨其花之好肥瘦沙土從而種之盆而則以少許瘦沙覆之以新汲水一勺定其根更有以沙晒之法此乃又分蘭之至要者尚預於未分前

半月取之篩去瓦礫之類曝令乾燥或欲適肥則
宜於泥沙可用便糞夾和攤晒之俟乾或復濕如
此十度視其極燥須節過隨意用蓋沙乃久年流
聚雜居陰濕之地而蘭之驟尔分拆失性須假以
陽物助之則来年聚匏自長尔與舊葉比有此其
效也夫苟不知收晒之宜用積拵之或憚披曝必
至羸弱而黃葉者有之匏之不發者之有之積有
日月不知依察其失愈甚候其已斃方始易沙臨
根加意調護冀其能復不亦後予抑又知其果能
復焉如其稍可全活有幾何時而獲遂本質耶故
深為可惜之國研為之言曰與其於既損之後而
欲復生全之寧若於未分之前而必欲全豈不省
力今逐品所宜沙土開列于後

陳夢良以黃淨無泥瘦沙種而切忌用肥恐有腐爛之失吳蘭藩蘭用赤沙泥

何蘭蒲統領大張青金鉸邊各用黃色粗沙和泥更添些少赤沙泥種為妙陳八斜淳監糧蕭仲弘許景初可首座林仲孔莊觀成乃下品任意用沙濟老施花惠知客馬大同鄭少舉黃八兄周滌宜溝壑中黑泥沙和糞壤種之

李通判竈山朱蘭鄭伯善魚鯢用山下流聚沙泥種

夕陽紅以下諸品則任意栽種此封植之槩論

灌溉得宜第五

夫蘭自沙土出者各有品類然亦因其土地之宜而生長之故地有肥瘠或沙黃土赤而瘠有居山

之蘄山之罔或近水或近石則各依而產之要在
度其本性何如尔不可不謂其肥瘦也苟性不能
別曰何者當肥何者當瘦強者已見混而肥之則
好高瘦者因得所養之天花則轉而繁華則難而
徙所謂好瘦者又因肥而腐敗吾未之信也一陽
生於子亥甲潛萌我則注而灌溉之使蘊諸中者
稍瘦強壯迨夫萌英送沙高未及寸許便灌之則
戢然卓簪暨南薰之時長養萬物又從而清潤之
則脩然而高鬱然而倉若有情於感遇者也秋八
月之交騎陽方熾根葉失水欲老而黃此時當以
濯魚肉水或穢腐水澆之過是之外合用清物隨
宜澆注使之暢茂亦以防秋風肅殺之患故其葉
弱拳拳然抽出至冬而極夫人分蘭之次年不與

發花者蓋恐泄其氣則葉不長尔凡善於養花者切意愛其葉葉聳則不慮其花之不繁盛也

紫花兒

陳夢良極難愛養稍肥隨即腐爛貴用清水澆灌則佳也

潘蘭雖未能愛肥須以茶清沃之莫得其地土之性

吳花看來亦好肥種亦灌既之一月一度

趙花何花大張小張蒲統領金錢邊半月一用其肥則好

陳八斜淳監糧蕭仲弘許景初可首座林仲孔莊觀成縱有大過不及之失亦無大害於用肥之時當時沙土乾燥過晚方治灌既候曉以清水碗許

遠盆澆之使肥膩之物得以下漬其根廣新來未
發發篋自無勾蔓遂上散亂盤盆之患更能預以
瓮缸之屬儲蓄雨水漬久色綠者間或進灌之而
其葉則潑然挺濯然爭茂盈臺簇檻列翠羅青絳
無閑花亦見雅潔

白花

濟老施花惠知客馬大同鄭少舉黃大兄周染曼
肥一任灌溉

李通判龜山鄭伯善肥在六之中四之下又來南
亦如之

魚鯨蘭質本瑩潔不須過肥徐以穢膩物汁澆之
夕陽紅雲嬌青蒲觀堂主名第弱脚肥瘦任意亦
當視其妙土之燥曉則灌注晚則清水灌之儲蓄

雨水令其色綠沃之為妙

惠知客等蘭用河沙簸其泥夾糞蓋泥種底用粗沙和糞

鄭少率用糞蓋泥和便晒乾種土上面用紅泥覆之

龜山用糞壤泥及河沙內用草鞋屑鋪四圍種之累誠甚佳大凡用輕鬆泥皆可

濟老施花用糞泥零小便糞澆濕攤晒用草鞋屑圍種

又龜山用固泥下有糞泥種四圍用草鞋屑然後種之

跋

予尋安身寂然一榻之中置事物於冗來紛至之

外散度猶長篆香芬護怡神然生奉目一視不覺
精神自怡怡然也種蘭之趣然之否乎澹齋趙特
庶敬為一卷以俟知音予於脩藏之暇窓前植蘭
數盆益欲觀其生意也每旦周施其側撫之太息
受之太勤非徒悅目又且洗心怡神其芽茸茸其
葉青青猶綠衣郎挺節獨立可敬可慕迨夫施間
殿情浪露百態千妍薰風時來四座芬郁豈非入
蘭室乎豈非有國香乎親朋連訪適以蘭譜予按
味所三盡得愛之卷之義因其譜想其人望又
豈非流声其馥香者乎時己卯歲中和節望日懶
貞子李子謹跋

蘭譜奧法

分種法

分種蘭蕙須至九月卽氣方可分栽十月時候花
已胎孕不可分種若見雪霜大寒猶不可分栽否
必損花

栽花法

花盆先以匱碗或匱碟覆之於盆底次用膚炭鋪
一層了然後却用肥泥薄鋪炭上便栽蘭根在上
如糝泥滿盆面上留一寸地栽時不可以手將泥
担實則根不長其根不舒暢葉則不長花亦不結
看乾濕依時候用水澆灌安頓澆灌法

春二三月無霜雪天放花盆在露天四面皆得雨
澆日晒不妨逢十分大雨空墜其葉則以小繩束
起葉如連雨三五日須移避暑通風處四月至八
月須用疎眼竹藍遮護畧見日氣最要通風

梅天忽逢急雨須移花盆放背日處若逢大雨過
又逢日晒盆內熱水則傷葉損根遇花開時若
枝上花莖頭多候開吹有未開一兩莖頭便可剪
去若留開盡則奪了來年花信

九月看花處用水澆灌若濕則不可澆或用肥水
培灌一兩番不妨

冬十月十一月十二月正月不澆不妨最怕霜雪
須用蜜籃遮護安頓朝陽有日照處在南簷下但
是向陽處三兩日一番旋轉花盆四面俱要輪轉
日晒均勻開花時則畔皆有花若晒一面只有一
處有花

澆水法

用河水陂塘水或攢留雨水最好其次用溪澗水

切不可井水凍了花澆水須於四畔澆勻不可從上澆下恐壞其葉

四月若有梅雨不必澆若無雨時則澆五月至八月頭是早起五更日未出時澆一番至晚黃昏澆一番又要看花乾濕若濕則不必澆如十分溫恐爛壞根

種花肥泥法

栽蘭用泥不曾四時過山上有火燒處取水流下火燒浮泥尋蕨菜草燒灰和火燒泥用或拾舊草鞋放在小糞中浸日久拌黃泥燒過或灰泥却用大糞澆過放在一壁儘教雨打日晒三兩箇月掇起傾放閑處栽花時取用

瑞香花種時要用前項肥泥如栽蘭花發一般安

排盆內種只要泥鬆不可用實泥如用泥栽花時將泥打鬆以十分為辛八分用肥泥二分和沙泥拌之

去除蟣虱法

肥水澆花必蟣虱在葉底恐壞葉則損花如此物生研大蒜和水以白筆蘸水拂洗葉上乾淨去除蟣虱

雜法

遇盆內泥乾則用茶清水澆灌不拘時月須用河水或留下雨水切不可用井水四月有花至八月內交過九月節氣便可分花

蘭之壯者有三十三花頭弱者有五六箇花頭恐泥瘦分瘦時將元盆內泥取出再加肥泥和勻入

盆栽種

魚鱗水亦肥須是浸得氣味過日久請用

尋在盆內泥乾併實則用竹筴掘則泥鬆休要撥動了根

葉紫紅色則是被霜打了須移於南簷窓下背雪霜後安頓仍舊自青

盆有竅孔不要着泥地安頓恐地濕蚯蚓鑽入盆內則損壞花又休要放盆在馬蟻窠處恐引入馬蟻則損花

黃葉用茶青澆灌有葉黃處連根披去花盆要放在高架上安頓令風從底入為妙又免蚯蚓馬蟻之患也

九月分花時用手擘開不開時用竹刀劈之休要

損動了根分說如法栽種

蘭品類

秋蘭

黃蘭

紫蘭

玉蘭

夏蘭一莖間數花

福蘭出福州秋花

弱脚

王小娘皆白蘭品名

古今事實

作猗蘭

猗蘭據者孔子所作也孔子聘諸侯吳能自任自衛反魯隱谷之中見香

蘭獨茂喟然嘆曰夫蘭當為王者香今乃獨茂與衆草為伍乃止東徒

氏鼓之自傷不逢時托辭於蘭云出琴操

服媚如是

鄒文公有賦云日燕姑夕天便與已蘭曰余為伯姬余而祖也以此為

而子以蘭有固香人一一文公與之蘭而御之辭曰妾不才幸而有子荷

不敢微蘭子公曰諸生榜公名之曰蘭出左傳

夜除不祥

鄭國之俗上巳於除汧南水上熱蘭招魂一一出歸詩

屈原為佩

細秋蘭以為佩出楚辭

芳蘭當門

先王投袂谷米因亮叔之帝曰一一不得不鋤出楚辭

芝蘭生階

謝安嘗謂太子弟曰何預人事答曰譬如一一玉樹欲其一一於一一庭云出

平書

漢尚書郎

一一合香授蘭出官儀

唐秘書省

一一龍翔年改一一白蘭呈秘書郎曰省郎出唐

賦蘭等詩

孫述為集賢院於撰宰相蘭高會百官一一建紅頰休使述序出內

竊蘭挿帽

崔定與文生遊曲江以千金來入賞候亭謝中一一花一一康自得從羅綺裝中

賣之士女爭買拋擲金錢出曲江春宴錄

給以香粉

李通甫入去新豐陽湯池一一蘭潑出六帖

養綺石

王維貯惠蘭必黃磁斗一一累年殊盛出汗漫錄

故有蕙者

或問徐子律曰今李尚隱種行遷後方於長史陳宗家曰荆南吳子

———出六六帖

蕙花

要語

埤雅云蕙香草也或謂之薰左傳曰所謂一薰猶者是也凡氣薰則惠和暴則酷烈故於文

蕙草為惠

爾雅翼蕙大抵似蘭花亦春開蘭先而蕙繼之皆柔莖其端作花蘭一莖一花蕙一莖五六花香次於蘭大抵山林一蘭而十蕙

黃太史曰光風轉蕙汜崇蘭離騷蘭九畹蕙百畝以是知楚人賤蕙而貴蘭矣

王逸章句曰十畝曰畹或曰田之長為畹二百

四十步為畝五十畝為畦然則蘭得一百八畝蕙
百畝夷揭車舍百畝則多少亦不相遠矣

若以說文言之田三十畝曰畹則蘭得二百七十
畝多於蕙兩倍留夷揭車各五十畝多於兩草一
倍亦多少之差然言蘭者每及蕙畹蘭而畝蕙也
泥蘭而轉蕙也蕙穀燕蘭籍也蕙雖不及蘭勝於
餘芳遠矣楚辭又有蘭閣蕙樓蓋芝草幹杪數華
有閣之象而蕙花亦於幹杪重重累積有樓之象
云